

يارب يَخْلِيْكَ يَاْمِي

ياهديه من رَبِّي عْشَانِي	يارب يَخْلِيْكَ يَاْمِي
وشايله عَنِّي اَحْزَانِي	ياعايشه ف رُوحِي وف دَمِّي
بارك في عُمْرِهَا وإِحْمِيهَا	يارب من عُمْرِي إِدِّيْهَا
دي هِيَّ رُوحِي ووجداني	يارب نَوْرَلِي عينيْهَا

يارب يَخْلِيْكَ يَاْمِي

يامعنى دايمًا في العَالِي	يارمز للحب إلْغَالِي
دا رَبِّي بيكي وصَّانِي	أفديكي بروحي وبمَالِي
يامنَوَّرَالِي أَيَامِي	رضاكِي هُوَ أَحْلَامِي
ياحلى كلمه على لسانِي	أنا بنسَى بيكي آلَامِي

يارب يَخْلِيْكَ يَاْمِي

وكل منايا في رضاكي	ياأْمِي عايش بِدُعَاكِي
ده حُبِّي ليكي رَبَّانِي	أنا نَسَى الدُنْيَا ولَا أَنْسَاكِي
ومن عينيكي بشوف حُبَّكَ	كل السَّعَادَة وَأنا جَنْبُكَ
ياللي في صمْتِي سمعاني	ولو بَكَيْت أَبْكِي ف حُضْنِكَ

يارب يَخْلِيْكَ يَاْمِي